



**AYUNTAMIENTO DE GAUTEGIZ - ARTEAGA
GAUTEGIZ - ARTEAGAKO UDALA**

Herriko Enparantza, 1
48314 Gautegiz Arteaga
Tfnoa. 94.625.29.53 / Emaila: udala.gautegiz@bizkaia.org

**MOCIÓN APROBADA EN EL PLENO DEL AYUNTAMIENTO DE
GAUTEGIZ ARTEAGA EL 25 DE ENERO DE 2019 SOBRE
BUSTURIALDEA HARRERA ESKUALDEA**

“BUSTURIALDEA HARRERA ESKUALDEA

Milaka dira egunero, sorterria atzean utzita, lurra eta itsasoa zeharkatzen dutenak bizi hobea baten bila. Dakigun bezala, orain ez horrenbeste urte, ehunka izan ziren gerrari eta miseriari ihes egin zioten Busturialdeko herritarrak. Badakigu, halaber, poemak dioena: “nekez uzten du bere sorterria sustraiak han dituenak”. Inor ez da bere ingurutik eta ingurukoengandik plazerrez aldentzen, ondo eta duin bizi den artean. Gerra, gosea, esplotazioa, lehengaien agorpena, etorkizun eza... Neokolonialismoaren ondorio gordinek ekartzen dituzten Euskal Herrira etorkin horiek guziak. Erakunde zibilen boluntarismoari eta herritarren auzolanari esker, hainbatek aterpea eta oinarrizko beharrak asetzeko aukera izan dute. Baina beste asko eta asko oraindik kale gorrian daude, aterperik, lanik eta paperik gabe.

Bidegabekeria ikaragarri honen aurrean ez ikusiarena egin ezinik, urriaren 13an Busturialdea harrera eskualde bihurtzeko lehen pausua eman genuen. Bilbon kalean geratu behar ziren hainbat etorkini Gernikan harrera duina egitea lortu zen. Emerjentzia egoera haren aurrean, egun batetik bestera, herritarrek emandako erantzuna gogoangarria da: erlojuaren kontra aterpea eta oinarrizko beharrianak asetzeko baliabideak eskaintzea lortu zen. Hala ere, zin dugu ahaztu hau hasiera baina ez dela, oraindik Bilbon jende mordoa baitago kalean eta etengabe heltzen baitira etorkin gehiago Euskal Herrira.

Hau guztia kontuan hartuta, Busturialdeko Harrera Mugimenduak (BHM) ezinbestekotzat jotzen du instituzioek gai honekiko daukaten erantzunkizuna bere gain hartzea eta eskura dituzten baliabideak eskaintzea. Arrazismoa baztertu, interkulturalitatea sustatu eta giza eskubideak errespetatzeko neurrial hartzeko eskatzen diegu erakunde publikoei.

Zehazki, Busturialdera detozen etorkinek harrera integrala jaso dezaten, zuekin negoziatorako eta elkarlanerako bidea zabaldu nahi du BHMak, ondoren datozen puntuak elkarrekin eztabaidatu eta adostasunetara heltzeko abiapuntuak mahai gainean jarritz:

1.- HARRERA PROTOKOLO INTEGRALA sortzea. Etorkinak eskualdera edo herrira heltzen diren momentuan harrera duina egin eta protokoloa martxan jartzea. Aipatutako protokoloa herri bakoitzak berea izango du, baina guztietan lehentasunak logika baten arabera ordenatuta joango dira.

- *Arlo administratiboan eskualdera heltzen diren pertsona migratzaileei eskaintzen zaien babesa, Gizarte Zerbitzuei buruzko, 12/1008 Legearen bitartez eta Gizarte Zerbitzuen Euskal Sistemaren prestazio eta zerbitzuen zorroari buruzko Dekretuaren bidez eskainiko dela ziurtatzea:*

-Erroldaren gestioa martxan jartzea.

-Osasun zerbitzuak eskuragarri izatea

-“Administrazio-egoitza ziurtatzen duen agiria” edo “herritar agiria” lortzea

-Oinarritzko beharrianak asetzea

-Formakuntzarako aukerak eskaintzea

- *Arlo sozialean:*

-Sare sozio-afektiboa martxan jartzea

-Busturialdeko Harrera mugimenduarekin harremanetan jartzea

2.- Busturialdeko Gizarte Zerbitzuetako Mankomunitateari gure Eskualdera datozen etorkinei zuzendutako Baliabideen gida eguneratzeko eta sustatzeko eskatzea. Hizkuntza desberdinetan egongo dela-bermatu.

3.- Arartekoren gomendioei men eginez, bizitzeko lekua duten persona horien erroldatzeko eskubide historikoa bermatzea, kasu hauetan errolda prozesua lehen egunetik martxan jarritz.

Era berean, bizitzeko lekurik ez dutenei ere eskubide hau bermatzea “errolda sozialaren” bitartez. Honela, inklusioa lortzeko lehen pausuak ematen dira eta oinarritzko zerbitzuak guztion eskura jartzeko bidea zabaltzen da.

Ezinbestekoa da, bazterketa egoerak ekiditeko, kondizio, betekizun eta hauen tramiterako beharrezko dokumentazioari buruzko informazioa, hizkuntza desberdinetan eskaintzea. Argi utziz, ezinbestekoa dela dokumentazioa eguneratuta iztea eta egora erregularizatua ez dutenei dokumentazioa eguneratuta ez izateak ekarri diezaiekeen ondorioak azpimarratuz. Adibidez, udalak, 2 urte igarotzean, errolda eguneratu beharko dutela jakinaraztea.

*4.- **ZURRUMURRURIK EZ!** Sarearen parte izatea eta honen inguruko dinamikak martxan jartzea inguru desberdinetan eta adin guztietako jendearekin. Gaurdaino hauek dira sareko parte diren instituzioak: (Aduna, Alegia, Alkiza, Anoeta, Asteasu, Arrasate, Basauri, Bilbo, Donostia, Eibar, Gasteiz Udalerrietako udalak eta hiru Foru Aldundiak, baita Eusko Jaurlaritzako Enplegu eta Gizarte Politiketako Saila. Familia Politika eta Aniztasuna, Euskal Herriko Unibertsitatea (UPV-EHU) eta Immigrazioaren Euskal Behatokia.*

Puntu honekin, sarean egoteaz gain, gai honekiko hartzen diren konpromiso politiko eta ekonomikoak bermatzea eskatzen dugu. Plangintzak osatzea, dinamika desberdinak martxan jartzea eta behar den laguntza ekonomikoa sare honetara bideratzea.

5.- Udalek egoera irregularrean dauden eta erroldatzeko zailtasunak dituen etorkinei, herri horretan finkatuta dagoela frogatzen duen "herritar agiria" sortzea eta beraien esku jartzea. Hala, herrian bertan bizi baina egoera irregularrean aurkitzen diren etorkinen harrera erraztuko litzateke hasiera-hasieratik, eta bazterketa arriskua ekidingo da. Hauek pasaportea lortu bitartean "herritarren agiria" erabiliko dute herrira heltzen diren lehen egunetik bertan bizi direla frogatu ahal izateko, udal espazio eta baliabideak erabiltzeko eta beraien identifikazio bezala.

6.- Larrialdi egoeran dagoen pertsona orori, kasu honetan etorkinei, nahiz eta beraien egoera irregularra izan, udal etxebizitzak beraien esku jartzea. Inor kalean gera ez dadin.

7. Lanbiderekin akordioak sinatzea. Herritarrentzako eta kasu honetan etorkinentzako, lanerako sarbideak errazteko. Eskualdean bertan formakuntza saioak antolatzea, irtenbide profesionalak eskainiz. Barrutialde institutuarekin hitzarmenak sinatzea, lanbide heziketako ikasketak bultzatuz.

8.- Gai honen inguruan lanean jarduten mugimendu eta elkarteekin batera, errefuxiatu eta etorkinei euskarri afektiboa emateko gai den herritarren sarea sustatzea. Eta inklusioaren alde, herriko egunerokotasunean parte hartzera animatzea. Gernika-Lumo "abegi onaren herria" bihurtu."